

Generalne informacije

Naslov:	Tutela ambientale e lotta all'esclusione sociale nelle zone rurali nel Nord-Est Bosnia Erzegovina (Zaštita okoliša i borba protiv socijalne isključenosti u ruralnim zonama sjevero-istočne Bosne i Hercegovine)
Sektor:	Zaštita okoliša
Donator:	Ministarstvo vanjskih poslova Republike Italije
Italijanski partneri:	CoSeA Italia, PEFC Italia
Lokalni partneri:	Ministarstvo za poljoprivredu, vodoprivredu i šumarstvo TK, Ministarstvo za poljoprivredu, vodoprivredu i šumarstvo RS; JP „Šume Tuzlanskog kantona“ dd Kladanj; JP „Šume RS“ad Sokolac
Lokacija:	Bosna i Hercegovina: Federacija BiH, Tuzlanski kanton: Čelić, Kalesija, Kladanj, Lukavac, Sapna, Srebrenik; Republika Spaska: Milici, Srebrenica, Vlasenica, Zvornik
Budžet:	305.528.00 Eura
Trajanje.	Decembar 2006 – Juni 2008

Kratak opis i glavni ciljevi projekta

Svrha projekta:

Svrha projekta je da doprinese aktivnostima zaštite okoliša i stabilnosti terena te poboljšanje uslova života socijalno ranjivih kategorija.

Rezultati postignuti ovim projektom su slijedeće:

- *Potpisan sporazum o saradnji na projektu sa javnim preduzećima: JP " Šume Tuzlanskog kantona" Tuzla i JPŠ "Šume Republike Srpske" a.d. Sokolac*
- *Pošumljeno 100 ha površina koje su ogoljene bilo zbog požara ili ilegalne sječe*

Republika Srpska:

Vlasenica:	11.50 ha
Milići:	13.40 ha
Zvornik:	10.10 ha
Srebrenica	15.00 ha

Federacija BiH, Tuzlanski kanton:

Kladanj:	1.00 ha
Lukavac:	30.00 ha
Srebrenik:	2.00 ha
Kalesija :	10.00 ha
Sapna :	5.00 ha
Čelić:	2.00 ha

- *Opremljeni rasadnici – Poboljšana postojeća struktura rasadnika Budim Potok u Kladnju te Zmajevac Šekovići koji su u državnoj svojini a u cilju obezbjeđenja sadnica za pošumljavanje.*
- *Sprovedena kampanje podizanja ekološke svijesti i promovisanje zaštite i unapređenja životnog okoliša*

U saradnji sa nastavnicima i učenicima 6 osnovnih škola: Osnovna škola "Prokosovići" Prokosovići, Lukavac; Osnovna škola "Turija" Turija, Lukavac; Osnovna škola "Braća Jakšić", Milići; Osnovna škola "Kosta Todorović" Skelani, Srebrenica; Osnovna škola "Vuk Karadžić" Vlasenica i Osnovna škola "Kladanj" Kladanj te Centrom za ekologiju i energiju iz Tuzle (www.ceetz.org i www.tuzla.org) održane su radionice na kojima je uzelo učešća 180 prisutnih učenika i profesora.

Na osnovu brojnosti učenika na edukativnim radionicama i njihove izuzetne aktivnosti tokom tzv. ekološkog nastavnog dana, te zainteresovanosti nastavnog osoblja, može se reći da je projekat uspješno realizovan. Pripremljeni edukativni i promotivni materijal je izazvao veliku pažnju učenika, koji su se rado uključili u sve pripremljene edukativne vježbe i obavezali se na novi, bolji odnos prema okolišu.

Nakon radionica djeca su pozvana da nastave sa aktivnostima vezanim za zaštitu okoliša. Djeca su pokazala da su spremna da budu pravi mali edukatori. Imaju jako razvijenu maštu i tokom radionica su pokazali da se znaju na različite načine poigrati sa otpadom, napraviti maštovite i korisne predmete, produžiti otpadu vijek trajanja, a prije svega, pokazati da su shvatili kako sav otpad nije smeće i da će se truditi da ga ubuduće što manje stvaraju. Pri tome su koristili različite vrste otpada (stari papir, plastiku, metal, stare tkanine, vunu...) i vještim ručicama uz pomoć pribora za šivenje ili ljepila, pravili najraznovrsnije predmete.

Na završetku ove faze projekta djeca su pozvana da se upoznaju sa procesom recikliranja papira i plastičnih materijala u pravoj fabrici za reciklažu. U prostorima fabrike Sud Mull d.o.o u Tuzli, zahvaljujući razumijevanju i finansijskoj podršci direktora Nedžada Berkića je organizovana i izložba najuspješnijih učeničkih radova od različitih vrsta otpada. Nagrade za najbolje su pored Sud Mull d.o.o Tuzla obezbijedili i Ekološki Savez Tuzlanskog Kantona "Eko-Zeleni", Antikvarnica -Knjižara Zoljić d.o.o. Tuzla i Plant d.o.o. Tuzla.

Sve aktivnosti vezane za implementaciju projekta su bile popraćene od strane lokalnih medija.

- *Održan edukativni seminar za privatne poduzetnike i predstavnike javnih preduzeća šumarstva iz BiH*

U saradnji sa PAFCC (Pan-European Forest Certification Council) Italija realizovana su dva seminara u cilju promovisanja održivog upravljanja šumama te izmijenjena iskustva o procesima cerificiranja šuma PEFC i FSC koji se primjenjuju u Italiji i Bosni i Hercegovini.

- *Organizovano studijsko putovanje za osam predstavnika javnih preduzeća i ministarstva u sektoru šumarstva u trajanju od dvije sedmice u saradnji sa Consorzio Servizi Ambientali Co.Se.A.(Konzorcij servisa za okolinu) Italija*

Predstavnicima iz Bosne i Hercegovine je pružena mogućnost da se upoznaju sa modelima upravljanja prirodnim naslijeđem a posebno šumama, od sječe šume pa do prodaje drveta te sa nekim aktivnostima vezanim za upravljanje šumama. Takođe su bile organizovane posjete zadrugama koje se bave prikupljanjem i prodajom ljekovitog bilja i šumskog voća.

Delegacija je bila gost na Bolonjskom univerzitetu gdje su upoznati sa projektima koje implementira univerzitet kao i sa GIS sistemom čiji se podaci koriste kod planiranja i projektovanja šuma.